

RESTRICCIÓNS NAS PISCINAS POLA ORDE DO 3 DE DECEMBRO DE 2020

NORMATIVA

- **Anexo I (nivel básico): Medidas de prevención específicas aplicables na Comunidade Autónoma de Galicia:**

Serán de aplicación, no territorio da Comunidade Autónoma de Galicia, as medidas de prevención específicas recollidas neste anexo.

3.12 Actividades e instalacións deportivas

A práctica da actividade física e deportiva non federada, ao aire libre, poderá realizarse de forma individual ou colectiva, sen contacto físico. No caso da práctica de forma colectiva, o máximo será de seis persoas, sexan ou non conviventes, e sen contar o monitor.

Nas instalacións e centros deportivos poderase realizar actividade deportiva en grupos de ata seis persoas, sexan ou non conviventes, e sen contar o monitor, sen contacto físico, e sempre que non se supere o cincuenta por cento da capacidade máxima permitida e deberanse establecer as medidas necesarias para procurar a distancia de seguridade interpersonal durante o desenvolvemento da actividade.

Deberán realizarse tarefas de ventilación nas instalacións cubertas durante un mínimo de 30 minutos ao inicio e ao remate de cada xornada, así como de forma frecuente durante esta e obrigatoriamente ao remate de cada clase ou actividade de grupo. No caso da utilización de sistemas de ventilación mecánica, deberá aumentarse a subministración de aire fresco e non se poderá empregar a función de recirculación do aire interior.

3.14 Praias e piscinas

2. As piscinas ao aire libre ou cubertas, para uso deportivo ou recreativo, deberán respectar o límite do cincuenta por cento da súa capacidade, tanto no relativo ao acceso como durante a propia práctica deportiva ou recreativa, e sen que poidan exceder o límite de 100 persoas de ocupación. Quedan exentas destas limitacións as piscinas unifamiliares de uso privado.

3. A situación dos obxectos persoais, toallas, hamacas e elementos similares nas zonas de estadia das piscinas e praias levarase a cabo de forma que se poida manter a distancia de seguridade interpersonal con respecto a outros usuarios. Deberá, ademais, respectarse o límite máximo de seis persoas por grupo, excepto no caso de persoas conviventes, en que non se aplicará esta limitación.

4. Exceptúase o uso da máscara durante o baño e mentres se permaneza nun espazo determinado, sen desprazarse, e sempre que se poida garantir o respecto da distancia de seguridade interpersonal entre todas as persoas usuarias non conviventes. En calquera caso, será obrigatorio o uso de máscara para os accesos, desprazamentos e paseos nas piscinas e praias.

- **Anexo II (nivel medio): Medidas de prevención específicas nos concellos a que se refire o número 4 do punto segundo da presente orde:**

Nos concellos previstos no número 4 do punto segundo da presente orde aplicaranse as restriccións previstas no anexo I, así como as específicas previstas a continuación.

- **Anexo III (nivel medio-alto): Medidas de prevención específicas nos concellos a que se refire o número 5 do punto segundo da presente orde, correspondentes a un nivel medio-alto de restricción:**

Nos concellos previstos no número 5 do punto segundo da presente orde aplicaranse as seguintes restriccións e, no que sexan compatibles con elas, as previstas no anexo I:

3.12 Actividades e instalacións deportivas

A práctica da actividade física e deportiva non federada, ao aire libre, poderá realizarse de forma individual ou colectiva ata máximo de catro persoas, sexan ou non conviventes, excluído o monitor.

Nas instalacións e centros deportivos poderase realizar actividade deportiva de forma individual ou colectiva cun máximo de catro persoas, sexan ou non conviventes, excluído o monitor, sen contacto físico, e sempre que non se supere o cincuenta por cento da capacidade máxima permitida. Deberanse establecer as medidas necesarias para procurar a distancia de seguridade interpersoal durante o desenvolvemento da actividade.

• **Anexo IV (nivel de máximas restriccións): Medidas de prevención específicas nos concellos a que se refire o número 6 do punto segundo da presente orde, correspondente a un nivel de restriccións máximas:**

Nos concellos previstos no número 6 do punto segundo da presente orde serán de aplicación as medidas máis restritivas deste anexo, e, no que sexan compatibles con elas, as previstas no anexo III. Así mesmo, no que sexan compatibles cos dous anexos indicados, serán de aplicación as medidas recollidas no anexo I.

1. Nos concellos a que se refire o número 6 do punto segundo desta orde adóptase a medida de peche temporal, durante o período a que se estenda a eficacia da medida conforme o punto cuarto da orde, das seguintes actividades (conforme as definicións contidas no anexo do Decreto 124/2019, do 5 de setembro, polo que se aproba o Catálogo de espectáculos públicos, actividades recreativas e establecementos abertos ao público da Comunidade Autónoma de Galicia e se establecen determinadas disposicións xerais de aplicación na materia):

III.2.2.7. Piscinas recreativas de uso colectivo.

2. Quedan, por tanto, exceptuados destas limitacións as seguintes actividades e establecementos, que poderán continuar abertos:

III.2.2.6. Piscinas de competición.

CADRO-RESUME DAS RESTRICCIÓNS

NIVEL	PISCINAS ABERTAS	AFORO	AFORO MÁXIMO	Nº MÁXIMO PERSOAS/GRUPO
Básico	Todas	50,00 %	100 persoas	6 persoas sen contar o monitor
Medio	Todas	50,00 %	100 persoas	6 persoas sen contar o monitor
Medio-alto	Todas	50,00 %	100 persoas	4 persoas sen contar o monitor
Máximas restriccións	Só as de competición*	50,00 %	100 persoas	4 persoas sen contar o monitor
VENTILACIÓN NAS INSTALACIÓNS CUBERTAS				
<p>-<u>Natural</u>: 30 minutos ao inicio e remate da xornada, de forma frecuente durante esta e obrigatoriamente ao remate de cada clase ou actividade de grupo.</p> <p>-<u>Sistemas de ventilación mecánica</u>: aumentar a subministración de aire fresco e non se poderá empregar a función de recirculación do aire interior.</p>				
<p>* A práctica da actividade física e deportiva non federada poderá realizarse tanto nas piscinas recreativas de uso colectivo como nas piscinas de competición. Se a piscina recreativa de uso colectivo ten uso exclusivamente recreativo ou lúdico lle aplicaríase o peche temporal.</p>				